

اداره مخصوصه

درسعادتده باب عالی خاده سنده

محل اداره :

مشارف

۱۳۲۶

انتظار :

مسکونه موافق آثار جديه مع المنوبه

قبول اولنور

درج ابدليني آثار اعاده اولغاز

دين ، فلسفه ، ادبيات ، حقوق و علوم دن باحث هفته لق رساله در

مؤسلى : ابوالعلا زين العابدين - ح . اشرف اديب

درسه دنده
ولا يانده
ملك اجنبيه ده

سنه لکى
القي آياني
۶۰
۸۰
۸۰
۳۰
۴۰
۴۰

تاريخ تاسيسي :
۱۱. نمرز ۳۲۴

درسعادتده نسخه يى . . پاره در

قيرله دن مقوا بورو ايله کوندريليرسه سنوي
۲۰ فروش فضله آلنير

درسعادتده پوسته ايله کوندريليرسه ولايات بدلي باخدا اولنور.

عدد : ۳۱

۳ ربيع الاول ۳۲۷ پنجشنبه ۱۲ مارت ۳۲۵

ايکنجى جلد

[من] حرفی [سبلاً] کله سندن مؤخر واقع اولایدی آنک صفقی اولور ایدی. ارضک سیر و سلوک ایچون بساط قلنمی، نوم، استراحت، حراحت، غرس و سائر کبی دیگر وجوه انتفاعه منافی دکلدر.

کله سیر و سلوک: بویا جسمانی ویا روحانی اولور. سلوک جسمانی مقصده ایصال ایدن حرکت اینیه ایله اولور. بونوع سیر و سفرك طلب علم، حج، تجارت و سائر کبی فوائد جلیله سی واردر. سلوک روحانی مقصوده ایصال ایدن حرکت کیفیه ایله اولور. بونکده محبت، معرفت و عرفان، انس و اتلاف و سائر کبی فوائد جلیله سی واردر.

برکت زاده: اسماعیل مهی

احکام الحرب والصلح فی الاسلام

ممنوعات حربیه

حرب اساساً دشمنی مالاً و بدناً ضرر اوردو چار تلاف و خسار ایدلک مقصدی اوزرینه مؤسس و خصمه «الشرباشر و البادی اظم» قاعده منجه دشمنک هر درلو معامله سه قارشو مقابله بالمثل اجرایی قواعد طبیعیه و عادات مرعیه دن بولندینی حالده شریعت غرای اسلامییه معاملات حربیه ده اون ماده بی استثنا و بونلرک نه مقابله و نه مباشرة اجرایی جائز اولمادیغنی بیان و انبا ایله نهی و تحریم ایلمشدر.

برنجیسی — صومعه نشین اولان راهب لک قتل

ایکنجیسی — اطفال و صبیان مقوله سندن اولان چو جقلرک قتل

اوچنجیسی — قادیلرک قتل

دردنجیسی — یوزفانی اولان اختیارلر ایله اعمی و علیل و منزول

اولانلرک قتل

بشنجیسی — میوه دار اولان هر نوع آغاج و مزروعاتک قطع

و احراق

التنجیسی — یمک ایچون لزومی اولان مقدار دن فضله قیون و صیفر

کبی حیوانلرک ذبحی

یدنجیسی — اموال غنائمدن بر نسنه بی عسکر و قوماندانلردن

کیزی اوله رق اخذی

سکرنجیسی — زنا کبی فساد و معصیتی موجب افعالک ارتکابی

طقوزنجیسی — مجروحینک تعقیب و اتلافی

اوننجیسی — اسیرانک قتل

اشته ممنوعات مذکور مک هر بری متعدد آیات و احادیث ایله نهی

و تحریم بیورلمشدر. تنه کیم خلیفه صدیق جاه ابو بکر رضی اه عنه اقدام غزا ضمننده برجهته سردار نصیبه بعث و اسرا ایلمش اولدینی یزید بن ابی سفیان مدینه منوره خارجه قدر ماشیاً تشیع ایلدکن صکره خطبه آتیه بی القاد و منیهات عشره بی بیان و احصا ایله بیورلمشدر که [اوصیک بعشر خصال فاحفظهن ستلی فی سفرك هذا رجالا لزموا

صومعتهم لطاعة الله فی زعمهم فلا تعرض لهم و اناساً خلقوا اوساط رؤسهم وتركوا شعوراً کالمصیبه فاضربوا مقاعد الشیطان منها بالسیوف ولا تقتلن مولوداً ولا شیخاً کبیراً ولا تعقرن شجراً بد اثمرة ولا تحرقن نخلاً ولا تقطعن کرملاً لانه فساد فی الارض والله لا یرضی بالفساد وقد قال تعالی فی کتابه الکریم [واذتولی سعی فی الارض لیفسد فیها و یمک الحرث والنسل] ولا تدجن غنمه ولا بقرة الا ما اضطررت لا کله ولا تغلن. ولا تجبن. ولا تفسدن. ولا تعصین. [مال منی ای یزید بن سکا اون خصلت ایله امر ایدرم که آنلری از برله اشبو سفرنده عن قریب صومعه نشین عبادت برطاقم راهبره تصادف ایده جکسین که آنلر طاعت خدا زعمیه صومعه لرینه قیامش اولدقلرندن آنلره ایلشمه و برطاقم باشلرینک اوزته سنی تراش ایتش و او زون صاچلرینی باشلری اطرافه چنرکی چو یرمش سرکردکان کفر و فساد راست کله جکسین که آنلرک نشیمک شیطان اولان قفالرینک اوزته سنی شمشیر قهر و تدمیر ایله ضرب ایله. آنجن اطفال و صبیان و یر و ناتوان و بنات و نسوانی قتل و اتلاف ایلمه. و درخت میوه دار و باغ و بستان کبی کروم و اشجاری قطع و احراق ایلمه. و یمه جکندن فضله دشمنک اغنام و حیواناتی کسمه. و اموال غنائمدن و امتة محاریندن کیزی اوله رق نفسک ایچون برنسه آله. و جنک و جدال و حرب و قتاله اظهار خوف و هراس ایله قورقاق اوله. و فساد و معصیت کبی افعال و منیهاتی ارتکاب ایلمه. دیمکدر.

اشته حقوق حربی مبین بو خطبه دن بلیغ بردستور حکمت و قانون معدلت وجودی تصور اولنمز. و حرب و قتاله بیه عدالت اسلامییه و مدنیت محمدیه بوندن بیوک شاهد عادل اولماز. و شمده یه قدر وقوع بولان محارباتده بعض اوروا متعصب لرینک عساکر اسلامییه اسناد ایلدی کیری تعدیاتی تکذیب ایچون بشقه جه دلیل و برهان ایرادینه حاجت قالمز «فاعتبروا یا اولی الالباب»

هنکام حرب و صلحه احکام استیمان

برهیئت اجتماعیه ایله وقوع بولان معاهدات احکامنه رعایت واجبه دیانت اولدینی کبی هنکام حربیه بیه محاریندن بریسی طالب امن و امان اوله رق مسامینه التجا ایلدیکی حالده دخالت واقعسی قبول و مال و جان و عرضی هر درلو تعرضدن محافظه و صیانتله تأمین ایدلمسی و آیات قرآنییه و احکام دینییه استماع و تلقیدن صکره یمه وطنه عودت ارزوسنده بولنورسه دارالحرب اولان وطنه سالماً ایصال ایدیلنجه یه قدر وقایه و حمایت ایدلمسی شریعت غرای اسلامییه احکام عادلله سی مقتضیاتنددر. تنه سورة توبه ده نازل اولان (وان احد من المشرکین استجارک فآجره حتی یسمع کلام الله ثم ابغمه مأمنه ذلك بانهم قوم لا یعلمون) آیات کریمه لرنده بوجهت صراحة بیان بیورلمشدر. آیات مذکور مک معانی شریفه لر ای پیغمبر ذیشانم اکر طائفة مشرکیندن بریسی سکا التجا و محابت و حمایتکی رجا ایلدیکی حالده کلام الله اولان آیات قرآنییه استماع و احکام دینییه کسب و قوف

واطلاع ایلمک اوزره اول ملتجی کسنه یی حمایه و تأمین ایله . صکره دخی هر درلو تعرضدن صیانتله مأمّن اولان وطنه قدر ایصال ایله زیرا بومشکرلر احکام قرآنییه آشنا دکلردر دیمکدر .

اشته بو آیت کریمه ده دخی ملتجیلره نه یولده معامله ایلمک لازم کله جکی واستیمان طلبنده بولنان محاربین مشرکینک دخی نائل آمن و امان اوله جقلری بیان بیورلمش اولدینی کبی احکام دیانت اسلامییه جهالتلری مدار عفو بر معذرت اتخاذه قبله قبل التعلیم والانذار مؤاخذه لری جائز اوله میه جنی امر و اخطار اولنمشدر .

احکام صلح

مقدمه ده بر تفصیل بیان و ایضاح قلندینی وجهله دیانت معظمه اسلامییه احکامی روی زمینده بولنان کافه امم و اقوام آره سنده « صلح ابدی » تأسیسی مقصدینه متدائر اولوب حرب موقتی دخی صلح ابدی حصولیچون تجویز بیورمش اولدینی بالاده تفصیلاتیه بسط و بیان ایلمشدر . علیه الصلوة والسلام افدمنز دخی کافه معاملاتده صلحی دستور العمل و هر بر منازعه حسمنده علیه الموعول اتحاد بیوردقلری [الصلح سید الاحکام] حدیث شریفیه مستغنی اثبات و اعلامدر .

صلح مجراسی اعتباریه ایکی قسمه انقسام ایدرکه بریسی معاملات شخصیه دن طولای بین الافراد وقوعبولان منازعات فصلنه و دیگری دخی اقوام و امم آره سنده وقوعبولان مجادلات و مقاتلات حسمنه خاص اولوب یا طرفین کهدی میانه لرنده و یا خود متوسطین مصلحین معرفتلی و یا تحکیم صورتیه حصولذیر اولدینی معلومدر .

حال صلح اساساً حال اصلی دائمی اولوب حال حرب ایسه موقت و عارضی اولدینی وعامه مسلمین همیشه صلح و صلاحک محافظه سیله مکلف بولندینی آیات آتییه ایله مثبتدر .

نته کیم قرآن عظیم الشانده نازل اولان [یا ایها الذین آمنوا ادخلوا فی السلم کافه] آیت کریمه سی بومعنایه بر شاهد و برهاندر و مضمون مضیی ای معشر مؤمنین جمله کز حال صلح و مسالمته داخل اولکز . دیمکدر اشبو امر جلیل ربانیدن مستبان اولان حال صلحه داخل اولق بر فرض عیندر . حال حرب ایسه یوقاروده بیان اولدینی وجهله موقت و اسباب مجبره و موجهیه مبتنی بولنسیله یا اسباب مذکورته نک زوالی و یا خود محارب اولان دشمنک تکلیفی اوزرینه حال صلحه رجوع مقتضی ایدوکی آتییه بیان اوله جق آیت کریمه ایله ده مثبتدر .

نته کیم سورة انفالده [واعدوا لهم ما استطعتم من قوة ومن رباط الخیل ترهبون به عدو الله وعدوكم وان جنحو السالم فاجنح لها وتوکل علی الله وان یریدوا ان یخدعوک فان حسبک الله] آیات کریمه لری تجهیزات حربیه ایله برابر صلحک ترجیحی لزومی ناطقدرلر . معانی منیفه لری ای مؤمن اولان قوللر سز دشمنلرکزک مدافعه سی ایچون قدرت و استطاعتکزک یتدیکی و جناب حقک دشمنلریله دشمنلرکزکی قورقده جق درجه ده ایجاب ایدن مهمات حربیه و خیل و اسلحه کبی قوتلری تدارک و استحضر ایدیکز . فقط دشمنلریکز صلحه میل ورغبت

کوسترلر ایسه سز دخی صلحه میل ایدوب جناب حقه متوکل اولکز . جناب حق هر حقیقی ایشیدر و کورر و اگر صلحه میل کوستر مکدن دشمنلرکزک مقصدی سزی الدائم ایچون برخدعه ایسه جناب حق سنی ینه شرلرندن حفظ و حمایه کافیدر . ایشته تجهیزات حربیه دن مقصد « حاضر اول جنکه اگر ایستر ایسک صلح و صلاح » مصداقجه هر درلو احتمالیه قارشو حاضر و مهیا اولقله برابر دشمنلرکزک تجاوزاتی منع ایچون برسر و استحضر دن مقصد بلا لزوم استحمال اولیوب بلکه او صورتله دشمنی تخویف و حربک وقوعنه مانع اولقندن عبارتدر .

تجهیزات و تدارکات حربیه ده استطاعت مالییه میزان تطبیق اوله جنی و استطاعت خارجنده تکلفاته مساع اولمادینی نصل جلیلمک صراحت عباره سی و دلالت اقتضا و اشارتی ایله واضح و هویدادر .

عهد سعادتده وقوعبولان غزوات و عقد اولنان معاهدات صلحیه دن بریسی مدینه منوره یه هجرت نبویه دن برسنه صکره « قریشه » و بی ضمیره نام قبائلک واقع اولان حرکات ناهواره لری اوزرینه سالار قافله انبیا علیه افضل الصلوة والتحایا افدمنز مهاجرین مسلمیندن التمش نفر مرد دلیر و غضنفر حرب و تدبیر رکاب هایونلرنده بولندقلری حالده شهر صفرا الحیرده مقرر اعداء اولان (ابواء) نام محله عزیمت بیوردقلرنده بنی ضمیره قبیله سی رئیس فراست انیسی « محشی » بن عمرو الضمیری موکب نبوی بی استقبال و ماسلف افعاله بیان ندامت و پشیمانی ایله طالب صلح و امان اولیجق سلطان ستوده سیر استعطاف واقعی اسعاف ایله دهان حکمت بیان رسالتیناهیلرندن تقریر بیوردقلری معاهده صلحه صورت شریفه سی تیمناً و تبرکاً کشیده سلك تحریر قلنمشدر .

بسم الله الرحمن الرحيم

[هذا کتاب من محمد رسول الله صلى الله علیه وسلم لینی ضمیره بانهم آمنون علی اموالهم وانفسهم وان لهم النصر علی من عاداهم ان لا یحاربوا فی دین الله وان النبی اذا دعاهم لنصره اجابوه علیهم بذلك ذمه الله وذمه رسول الله ولهم النصر علی من بر منهم واتقی] ترجمه شریفه سی اشبو مصالحه نامه رسول الله اولان محمد علیه الصلوة والسلامدن بنی ضمیره یه ویریلوب حکم منینی اولدرکه بنی ضمیره اسلام ایله محارب اولماق و پیغمبر کنذیلرینی یاردم ایچون دعوت ایتدیکی حالده اجابت ایلمک اوزره مال و جانلرینی تأمین ایدر . ومتقی و خیر خواهلرینه یاردم ایده جکنی جناب حق ایله پیغمبری نامنه وعد و تعهد ایلر . دیمکدر .

اشته بومعاهده شریفه مضمون منیفندن غیر مسلم اولان امم و اقوام ایله تجاوزی و تدافعی عقد معاهده یه اسلامک ماذون اولدقلری مستفاد اولدینی کبی مصالحه صورتیه حسم اختلاف ممکن ایکن طریق حرب و ضربه سلوک جائز اولمادینی نمایان اولور .

اسرای حربیه

حریت بشریه شریعت احمدیه ده قواعد اصلیه دن اولوب اسارت اساساً دیانت اسلامییه ممنوع و یالکز حرب زمانلرنده مشروع اولدینی

مطلق اودر: صداقتی، ناموسی کسرایدن،
اخلاقی چیکنه !
بر تازه روحه اوکره تیر : آلام بیکران ،
سودایی ایکلنیرده ، ایدر عمری پرفغان ..
..

بعضاده سرپیور ، نه ملاححت حیاته او
برکون بولورسه چاره ، نهایت عماته او :
هرقلی شلتیر ،
جنتله اکلنیر ..

بر آنده هر مسرتی ، هرذوقی بخش ایدر ،
بر آنده احتیاجلری محو ایدوب کیدر ،
بر آنده شان ویریر ،
بر آنده جان ویرر ! ..

ای کنج ! بیل که : برج حیاتی یاپوب ، ییقان ؛
اک محترم حریمه اذنسر کیروب چیقان
آنحق : پاره
لکن ، فقیر : سینۀ ثروته بر یاره !
یاخود جبین ناز تمدنده برقاره !

عنوانه فخری

حضرت مولانا فرموده

دی شیخ با چراغ بکر دید دور شهر
کز دیوودد ملولم وانسانم آرزوست
گفتم که یافته نشود جسته ایم ما
گفت آنکه یافته نشود زانم آرزوست

ترجمه

شیخی دون الله فنار شهری کزرکن کوردم ،
قیدم اسباب تحریرنی کندویه سؤال ؛
دیدي : « بن بونده برانسان حقیقی ارارم ،
بوعفاریت بکا ایلدی ایراث ملال ... »
— آنی ، یاشیخ ، دیدم ، بز دخی پک چوق ارادق ؛
بزه برکره نصیب اولمدی اول امرحال .
دیدي : « آه ، اشته اودر تام بنمده املم ،
هپ انکچون قوشارم تا ایدیم استحصال ؛
بولنور نسته ایچون هرکشی ایلر تک وتاز ،
لیک نایابی تحری ایدر ارباب کمال ... »

معلم فیضی

قرآن عظیم الشانده وارد اولان آیات فرقانیه واولبابده لسان معجز
بیان نبویدن صادر اولان احادیث صحیحۀ متعدده دلالتیه ثابت وعیاندر ،
از آن جمله سورۀ انفالده وارد اولان (ما کان لئی ان یکون له اسری
حتى یخن فی الارض) آیت کریمه سی ثبوت مدعابه دلیل وبرهاندر .
معنای شریفی محاربه ایتمدکجه اسیر اتخاذی هیچ بر پیغمبر ایچون جائز
دکلدر . دیمکدر . دیمک اسارت منحصرأ حال حربیه مقصور واسرای
حربیه محصور اولدینی اشبو آیت کریمه شهادتیه وارسته ایراد
سطوردر ،

استطراد

اسارت — مقتضای دیانت اسلامیتدر . دیودعوی ایدن مهوردقاردینال
« لافیجری » اشبو آیت کریمه بی اوقومامش و اسلامیتده اسارت ممنوع
وحتى فك رقاب اساری ایچون هر بر مسلمان اوزرینه زکات نامیه بر
ویرکوی سنوی مقطوع اولدینی و اسلامیتده اک بیوک ثواب عتق رقاب
اولدینی بیلیمش اولیدی و قتیه ناحق یرہ دیانت معظمۀ اسلامیه
ایتمش اولدینی افک وافترادن حیا ایتمسی لازم کلور ایدی . ظن ایدرم
هرنه حال ایسه صده کلهم .

قالدی که حربده اسیر المقتدن مقصد دشمنک عددینی تقلیل
ومحارینک مضرات وتجاوزاتی تهوین و تعدیل وافراد محارینی تعطیل
اولسلیله اساری حققرنده اجرا ایدیلجهك معاملات بروجه آتی آیت
کریمه ده تعیین وتحدید بیورلمشدر . [حتى اذا انختموهم فشدوا الوثاق
فاما منّا بعد واما فداء] اشبو آیت شریفهك مضمون منیفی آی معشر
مسلمین سزائنه حرب و قتالده اسیر آلدیفکرز حالده آنلری قاجه میه جق
صورته محافظه ایدیکز آندن صکره یا لطف و احسان ایدوب مجاناً
آزاد ویاخود کندی اسرا کرله مبادله ویا بر فدیۀ معلومه اخذیله
سبیللرینی اخلا ایدرسکزر . اشته شو آیت شریفه دن مستفاد اولان
احکام منیفه اسارت دفع شر ومضرت مقصدیله ختام حربیه قدر حکمی
جاری والنان اساری قتل واتلاف ایدلیوب حسن محافظه وبعد الحرب
یا تکرماً وبلا بدل اطلاق و آزاد ویاخود فدیۀ اخذی صورتیله
صالیورلملری مقتضی ایدوکی خصوصلرندن عبارتدر .

ما ربنی زاره : عارف



پاره

هرکنجی اعتیاد رذیل سفاهته
بند ایلین : پاره ،
قلبنده هر فقیرک آچان قانلی بیک یاره ،
هردستی سوق ایدن او : جنایاته ، وحشته ،
قلب ایلوب سعادت برکون فلاکته ،
محکوم ایدر کوکلری قید سفالته ،